



Na osnovu člana 56. Zakona o organizaciji uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i člana 4. Pravilnika o finansiranju projekata i aktivnosti udruženja boračkih populacija na koji je Vlada Bosansko-podrinjskog kantona Goražde dala saglasnost Odlukom broj: 03-11-734/24 od 04.04.2024.godine, a u skladu sa Odlukom Skupštine Bosansko-podrinjskog kantona Goražde o utvrđivanju Kalendara obilježavanja značajnih događaja, datuma i ličnosti iz odbrambeno-oslobodilačkog rata 1992.-1995.godina u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 4/23) i Programom utroška sredstava Ministarstva za boračka pitanja sa ekonomskog koda 614 300 – «Tekući transferi neprofitnim organizacijama», na koji je Vlada Bosansko-podrinjskog kantona Goražde dala saglasnost Odlukom broj: 03-11-895/24 od 22.04.2024.godine, Ministar za boračka pitanja Bosansko-podrinjskog kantona Goražde **r a s p i s u j e**:

JAVNI POZIV

za podnošenje zahtjeva i programa/projekata
koji će se uvrstiti u program obilježavanja značajnih događaja, datuma i ličnosti
odnosno finansirati/sufinansirati iz budžeta Ministarstva za boračka pitanja za 2024.godinu

I

Predmet Javnog poziva je podnošenje zahtjeva i programa/projekata koji će se uvrstiti u Program obilježavanja značajnih događaja, datuma i ličnosti u Bosansko-podrinjskom kantonu Goražde, odnosno finansirati/sufinansirati iz budžeta Ministarstva za boračka pitanja za 2024.godinu sa ekonomskog koda 614300 – Tekući transferi neprofitnim organizacijama.

Programom utroška sredstava sa ovog ekonomskog koda, maksimalan budžet za ove namjene je utvrđen u visini od 50.000,00 KM.

II

Pravo učešća u Javnom pozivu imaju udruženja boračkih populacija i savezi, fondacije, udruženja mladih, vjerske ustanove te kulturna i sportska udruženja i ustanove sa prostora Bosansko-podrinjskog kantona Goražde koji žele da učestvuju u obilježavanju značajnih događaja, datuma i ličnosti iz odbrambeno-oslobodilačkog rata 1992.-1995. godina utvrđenih Odlukom Skupštine Bosansko-podrinjskog kantona Goražde („Sl. novine BPK Goražde“, broj: 4/23) i to:

R/B	Opis događaja
1.	„Dani otpora“
2.	„Grebak – put života“
3.	Dan pogibije komandanta Zaima Imamovića

Pored datuma utvrđenih Odlukom Skupštine, iz budžeta Kantona se mogu finansirati/sufinansirati pojedini datumi od posebnog značaja za udruženja boračkih populacija sa prostora Bosansko-podrinjskog kantona Goražde, na osnovu zahtjeva i projekata udruženja i prijedloga Ministarstva za boračka pitanja Bosansko-podrinjskog kantona Goražde.

Udruženja boračkih populacija sa prostora Bosansko-podrinjskog kantona Goražde mogu aplicirati sa zahtjevima za finansiranje/sufinansiranje više pojedinačnih ciljeva (obilježavanje značajnih datuma, događaja i ličnosti) tokom budžetske godine.

III

Zahtjevi za finansiranje/sufinansiranje projekata i aktivnosti aplikantata kojima su odobrena i doznačena sredstva u prethodnoj budžetskoj godini, a za ista nisu dostavili adekvatan izvještaj o utrošku sredstava sa odgovarajućom dokumentacijom, smatrat će se nepotpunim i kao takvi odbaciti.

IV

Razmatranje zahtjeva i programa/projekata za finansiranje/sufinansiranje po ovom Javnom pozivu vršit će Komisija koju imenuje Ministar za boračka pitanja Bosansko-podrinjskog kantona Goražde, a konačnu odluku o odobravanju sredstava donosi Vlada Bosansko – podrinjskog kantona Goražde na prijedlog Ministra, odnosno Odbora za obilježavanje značajnih događaja, datuma i ličnosti iz odbrambeno-oslobodilačkog rata 1992.-1995.godina za datume obuhvaćene Odlukom Skupštine BPK Goražde.

U slučaju da je za specifičan cilj (obilježavanje značajnog datuma, događaja i ličnosti) dostavljen samo jedan zahtjev, o njegovoj opravdanosti odlučuje Ministar za boračka pitanja.

V

Prijedlog raspodjele i isplate namjenskih sredstava iz tačke I ovog Javnog poziva vršiti će se u skladu sa slijedećim kriterijima:

- a) finansijski i operativni kapaciteti aplikanta;
- b) relevantnost;
- c) metodologija;
- d) održivost i
- e) budžet i troškovna efikasnost.

Ministar će na prijedlog Komisije posebnim aktom utvrditi mjerljive pokazatelje za kriterije iz tačke V ovog Javnog poziva.

Inicijative, prijedlozi i zahtjevi kod kojih nisu realno planirana sredstva za predložene aktivnosti ili su aktivnosti neprimjerenog sadržaja, neće se uzimati u razmatranje.

VI

Uz inicijative, prijedloge i zahtjeve, obavezno se dostavlja:

- a) rješenje o registraciji;
- b) uvjerenje iz Registra udruženja izdato u vrijeme podnošenja zahtjeva, izuzev iz Registra udruženja, koje vodi Ministarstvo za pravosuđe upravu i radne odnose Bosansko-podrinjskog kantona Goražde, koje nosilac budžetskih sredstava pribavlja po službenoj dužnosti;
- c) uvjerenje o poreskoj registraciji - identifikacioni broj;
- d) dokaz o broju aktivnih članova udruženja (ovjeren spisak o uplaćenju članarini za prethodnu godinu);
- e) izvod iz važećeg Statuta, ovjeren od strane nadležnog organa, iz kojeg su vidljivi ciljevi i djelatnosti Aplikanta;
- f) izvještaj o urednom finansijskom poslovanju (bilans stanja i bilans uspjeha za prethodnu godinu, ovjeren od strane nadležnog organa);
- g) uvjerenje o izmirenim poreskim obavezama (original ili ovjerena fotokopija ne starija od 6 mjeseci);
- h) uvjerenje o izmirenim poreskim obavezama i doprinosima za zaposlenike (ukoliko ima zaposlenika, original ili ovjerena fotokopija ne starija od 6 mjeseci);
- i) narativni finansijski izvještaj o radu za prethodnu godinu usvojen od strane nadležnog organa Aplikanta;
- j) program rada i finansijski plan za godinu u kojoj se finansiranje traži;
- k) dokaz o realizovanim projektima od interesa za boračku populaciju (za prethodne tri godine);
- l) dokaz o aktivnom transakcijskom računu (potvrda banke ili ovjerena fotokopija ugovora) i
- m) drugu relevantnu dokumentaciju za evaluaciju zahtjeva/projekta.

Dokumentaciju iz prethodnog stava, Aplikant dostavlja samo jednom u toku budžetske godine bez obzira na broj objavljenih javnih poziva od strane Ministarstva, osim u slučaju da su nastale promjene u podacima navedenim u prethodno dostavljenoj dokumentaciji.

Aplikacija se dostavlja u formi koju izabere, s tim što se u istoj moraju jasno navesti sljedeći elementi:

- a) opis problema;
- b) prikaz aktivnosti na rješavanju problema;
- c) vremenski plan realizacije aktivnosti;
- d) detaljno planiran budžet sa očekivanim prihodima i rashodima.

VII

Zahtjevi i programi/projekti se podnose **Ministarstvu za boračka pitanja Bosansko-podrinjskog kantona Goražde**, na adresu 1. Slavne višegradske brigade broj 2a, 73000 Goražde, ili predaju na Pisarnicu Kantona tokom radnih dana u periodu od 08⁰⁰ - 16⁰⁰ sati.

Javni poziv je otvoren do okončanja kalendarske godine ili utroška sredstava obezbijedenih za ove namjene.



Broj: 11-11-576/24
Goražde, 23.04.2024.godine

DOSTAVITI:

1. Oglasna ploča BPK Goražde;
2. WEB stranica Vlade BPK Goražde i
3. Evidencija.